

IFLETËUDHËZUES I PAKETIMIT:
Informacion për pacientin

FASDOL

TABLETA TË VESHURA ME FILM

400 mg, 600 mg (Ibuprofen)

Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë.
- Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efektëve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

Në këtë fletëudhëzues:

- Çfarë është Fasdol dhe përse përdoret?
- Çfarë duhet të keni kujdes përpara se të merrni Fasdol?
- Si ta merrni Fasdol?
- Efekte anësore të mundshme
- Si ta ruani Fasdol?
- Informacion i mëtejshëm

1. ÇFARË ËSHTË FASDOL DHE PËRSE PËRDORET?

Fasdol përmban lëndën vepruese ibuprofen, i cili është një bar antiinflamator, antipiretik dhe analgjezik (antiinflamator / antireumatik josteroid) (AJS).

Fasdol indikohet në (vetëm për tabletën 400 mg):

- dhimbje të lehta deri mesatare
- temperaturë.

Fasdol përdoret:

për trajtimin simptomatik të dhimbjes dhe inflamacionit në:

- artrit akut (përfshirë gutën)
- artrit kronik, veçanërisht në artrit reumatoid (poliartrit kronik)
- spondilit ankilozant (sëmundja Bechterew) dhe sëmundje të tjera inflamatoro - reumatike të shtyllës kurrizore
- iritimet e sëmundjeve degjenerative të kyçeve dhe shtyllës kurrizore (artriza dhe spondiloartriza)
- sëmundje inflamatore reumatike të indeve të buta
- enjtje dhe inflamacione të dhimbshme pas dëmtimeve.

2. ÇFARË DUHET TË KENI KUJDES PËRPARA SE TË MERRNI FASDOL?

Fasdol nuk duhet të përdoret:

- nëse jeni i mbindjeshëm (alergjik) ndaj ibuprofenit ose ndonjërit prej përbërësve të tjerë të Fasdol
- nëse keni reaguar në të kaluarën me atake astme, enjtje të mukozës së hundës apo reaksione në lëkurë pas marrjes së acidit acetilsalicilik ose antiinflamatorëve të tjerë josteroidë
- nëse keni çrregullime të pashpjegueshme të formulës së gjakut
- në ulçera peptike ose duodenale ekzistuese ose që janë shfaqur më parë në mënyrë të përsëritur ose gjakrrjedhje (të paktën 2 episode të ndara për ulçera ose gjakrrjedhje të konfirmuara)
- nëse ka patur gjakrrjedhje ose perforacion gastrointestinal të lidhur me përdorimin e antiinflamatorëve josteroidë (AJS)
- nëse keni hemorragji në tru (hemorragji cerebrovaskulare) ose hemorragji të tjera aktive
- në dëmtime të rënda të funksionit të mëlçisë ose veshkave
- në insuficiencë të rëndë kardiake
- në tremujorin e tretë të shtatzënisë
- në fëmijët dhe adoleshentët nën 15 vjeç.

Më poshtë përshkruhen rastet kur Fasdol duhet përdorur vetëm në kushte të veçanta (d.m.th. në intervale më të gjatë ose në doza të reduktuara dhe nën kontroll mjekësor) dhe nën kujdes të posaçëm. Këshillohuni me mjekun tuaj.

Kjo vlen edhe nëse i keni kaluar më parë këto situata.

Tregoni kujdes të veçantë me Fasdol

Siguria në traktin gastrointestinal

Përdorimi i njëkohshëm i Fasdol me antiinflamatorë të tjerë josteroidë, përfshirë të ashtuquajturit frenuesit e COX-2 (frenuesit e ciklooksigenazës-2), duhet të shmanget. Efektet anësore mund të minimizohen nëse përdoret doza më e ulët efektive për kohën më të shkurtër të nevojshme për kontrollin e simptomave.

Të moshuarit:

Tek të moshuarit shfaqen më shpesh efekte anësore pas përdorimit të antiinflamatorëve josteroidë, veçanërisht gjakrrjedhje dhe perforacione gastrointestinale, që në rrethana të caktuara mund të jenë kërcënuese për jetën. Prandaj, tek të moshuarit, është i nevojshëm një kontroll mjekësor veçanërisht i kujdesshëm.

Gjakrrjedhje të traktit gastrointestinal, ulçera dhe perforacione:

Gjatë përdorimit të të gjithë AJS janë raportuar gjakrrjedhje të traktit gastrointestinal, ulçera dhe perforacione, edhe me pasojë vdekjen.

Ato janë shfaqur me ose pa simptoma të hershme paralajmëruese ose me ngjarje serioze në traktin gastrointestinal gjatë terapisë.

Risku për shfaqjen e gjakrrjedhjeve gastrointestinale, ulçerave dhe perforacioneve është më i lartë kur doza e AJS rritet, tek pacientët që kanë histori për ulçer, kryesisht tek ata që kanë patur komplikacione si: hemorragji ose perforacion (shih pikën 2: "Fasdol nuk duhet të përdoret"), dhe tek të moshuarit.

Këta pacientë duhet ta nisin trajtimin me dozën më të ulët efektive.

Për këta pacientë, si dhe për ata që njëkohësisht trajtohen me acid acetilsalicilik në doza të vogla ose me barna të tjera që mund të rrisin risikun për sëmundje gastrointestinale, duhet të konsiderohet një terapi e kombinuar me barna mbrojtëse të mukozës së stomakut (p.sh. misoprostol ose inhibitorët e pompës protonike). Nëse keni patur më parë efekte anësore gastrointestinale, dhe për më tepër jeni në moshë të avancuar, duhet të raportoni çdo simptomë të pazakontë në abdomen (para së gjithash gjakrrjedhjen gastrointestinale), sidomos në fillim të terapisë. Këshillohet kujdes nëse njëkohësisht merrni barna që mund të rrisin risikun për ulçera ose gjakrrjedhje, si p.sh. kortikosteroidë oralë, barna antikoagulante, si varfarina, inhibitorë selektivë të rikapjes së serotoninës, që ndër të tjera përdoren për trajtimin e çrregullimeve depressive, ose frenues të agregimit të trombociteve si, acid acetilsalicilik (shih pikën 2: "Marrja e Fasdol me barna të tjerë").

Nëse gjatë trajtimit me Fasdol ju shfaqet gjakrrjedhje gastrointestinale ose ulçer, ai duhet të ndërpritet.

AJS duhen përdorur me kujdes tek pacientët që kanë kaluar sëmundje gastrointestinale (kolit ulçeröz, sëmundjen Crohn), sepse gjendja e tyre mund të përkeqësohet (shih pikën 4: "Efekte anësore të mundshme").

Efektet në sistemin kardiovaskular

Barna si Fasdol mund të jenë të asociuar me një rritje të vogël të risikut për infarkt të zemrës ose insull. Secili risk është më i mundshëm në dozat e larta dhe trajtimin afatgjatë. Mos tejkaloni dozat dhe kohëzgjatjen e rekomanduar! Nëse keni probleme të zemrës ose keni kaluar insullt ose mendoni se jeni të rrisuar për shfaqjen e këtyre sëmundjeve (p.sh. nëse keni presion të lartë të gjakut, diabet ose vlera të larta të kolesterolit, ose pini duhan), duhet ta diskutoni trajtimin me mjekun ose farmacistin tuaj.

Reaksionet në lëkurë

Gjatë terapisë me AJS janë raportuar shumë rralle reaksione të rënda në lëkurë, me skuqe dhe fluska, disa me pasojë vdekjen (dermatit eksfoliativ, sindrom Stevens-Johnson dhe nekrolizë epidermale toksike / sindrom Lyell); (shih pikën 4: "Efekte anësore të mundshme"). Risku më i lartë për të tilla reaksione duket se është në fillim të terapisë, sepse në shumicën e rasteve këto reaksione shfaqen në muajin e parë të saj. Në rast se shfaqen shenjat e para të rashit në lëkurë, lezionet të mukozave apo shenja të tjera të një reaksioni mbindjeshmërie, Fasdol duhet të ndërpritet dhe duhet të konsultohet menjëherë mjeku.

Gjatë infeksionit të Isë (varicela), duhet të shmanget përdorimi i Fasdol.

Udhëzime të tjera

Ibuprofeni duhet të përdoret vetëm pas një vlerësimi shumë të kujdesshëm përfitim - risk:

- në disa anomali të lindura të formulës së gjakut (p.sh. porfiri akute intermitente)
- në disa sëmundje autoimune (lupus eritematoz sistematik dhe miksokolagenoza).

Një mbikqyrje mjekësore posaçërisht e kujdesshme nevojitet:

- menjëherë pas kirurgjive madhore
- në alergji (p.sh. reaksione në lëkurë nga barna të tjera, astma, alergji nga bari), enjtje kronike e mukozës së hundës ose sëmundje të rrugëve të frymëmarrjes që i ngushtojnë ato
- në funksion të dëmtuar të veshkave ose mëlçisë.

Reaksione mbindjeshmërie akute të rënda (p.sh. shok anafilaktik) janë vërejtur shumë rralle. Nëse shfaqen shenjat e para të një reaksioni mbindjeshmërie pas marrjes së Fasdol, terapia duhet të ndërpritet.

Në varësi të simptomave, duhet të merren masat e nevojshme mjekësore nga persona kompetentë.

Ibuprofeni, lënda aktive e Fasdol, mund të frenojë në mënyrë kalimtare funksionin e pllakëzave të gjakut (agregimin e trombociteve). Kështu që pacientët me çrregullime të koagulimit duhet të vlerësohen me kujdes.

Në përdorimin afatgjatë të Fasdol janë të nevojshëm kontrolli i vlerave të mëlçisë, i funksionit të veshkave si dhe i formulës së gjakut.

Nëse merret Fasdol përpara ndërhyrjeve kirurgjikale, duhet të pyetet ose të informohet mjeku ose dentisti.

Nga përdorimi i gjatë i analgjezikëve mund të shfaqet dhimbje koke, e cila nuk duhet të trajtohet me doza më të larta të barit. Këshillohuni me mjekun tuaj nëse keni shpesh dhimbje koke pavarësisht trajtimit me Fasdol!

Në përgjithësi, përdorimi i vazhdueshëm i analgjezikëve, veçanërisht kur kombinohen disa analgjezikë, mund të çojë në dëmtim të zgjatur të veshkave me riskun për insuficiencë renale (nefropati nga analgjezikët).

Për ndikimin në fertilitet, shih pikën "Fertiliteti".

Fëmijët dhe adoleshentët

Fëmijët dhe adoleshentët nën 15 vjeç nuk duhet të marrin Fasdol, sepse përmbajtja e lëndës vepruese në të është shumë e lartë. Për këtë grupmoshë ekzistojnë preparate të tjerë ibuprofeni që përmbajnë lëndë vepruese në sasi më të vogël.

Marrja e Fasdol me barna të tjera

Ju lutemi të informoni mjekun ose farmacistin tuaj nëse merrni / përdorni barna të tjera apo keni marrë / përdorur para pak kohësh, përfshirë barna të marra pa recetë.

Përdorimi i njëkohshëm i Fasdol dhe digoksinës (bar për rritjen e forcës së zemrës), fenitoinës (bar për trajtimin e konvulsioneve) ose litiumit (bar për trajtimin e çrregullimeve mendoro - emocionale), mund të rrisë përqëndrimin e këtyre barnave në gjak. Është i nevojshëm kontrolli i niveleve të litiumit në serum. Rekomandohet kontrolli i niveleve të digoksinës dhe fenitoinës në serum.

Antikoagulantët (p.sh. acid acetilsalicilik / aspirina, varfarina, tiklodipina), barnat antihpertensive (ACE-inhibitorët, p.sh. kaptopril, beta-blokuesit, antagonistët e angiotenzinës-II) si dhe disa barna të tjera, mund të ndikojnë trajtimin me ibuprofen ose të ndikohen prej tij. Prandaj, duhet të kërkoni gjithmonë këshillën e mjekut përpara se të përdorni ibuprofen njëkohësisht me barna të tjera.

Fasdol mund të dobësojë veprimin e diuretikëve dhe antihpertensivëve.

Fasdol mund të dobësojë veprimin e ACE-inhibitorëve (barna për trajtimin e insuficiencës kardiake dhe hipertensionit). Gjatë përdorimit të njëkohshëm mund të rritet më tej risku për shfaqjen e dëmtimit të funksionit renal.

Marrja e njëkohshme e Fasdol dhe diuretikëve kursyes të kaliumit mund të çojë në rritje të niveleve të kaliumit në gjak.

Përdorimi i njëkohshëm i Fasdol me barna të tjerë antiinflamatorë dhe analgjezikë të grupit të antiinflamatorëve josteroidë (AJS) ose me glukokortikoidë rrit risikun për efekte anësore në traktin gastrointestinal.

Frenuesit e agregimit të trombociteve (p.sh. acid acetilsalicilik) dhe disa antidepressivë (inhibitorët selektivë të rikapjes së serotoninës / SSRI) mund të rrisin risikun për gjakrrjedhje gastrointestinale.

Marrja e Fasdol brenda 24 orëve përpara ose pas marrjes së metotreksatit, mund të çojë në rritje të përqëndrimt të metotreksatit dhe në theksim të efektëve të padëshiruara të tij.

Risku për efekt nefrotoksik nga ciklosporina (bar për parandalimin e flakjes pas transplantit, por që përdoret edhe në trajtimin e reumatizmit), rritet nga marrja e njëkohshme e disa antiinflamatorëve josteroidë.

Ky efekt nuk mund të përjashtohet për kombinimin e ciklosporinës me ibuprofenin.

Barnat që përmbajnë probenecid ose sulfpirazon (barna për trajtimin e gutës), mund të reduktojnë eliminimin e Ibuprofenit. Pra, mund të rritet sasia e Ibuprofenit në trup duke theksuar efektet anësore.

AJS mund të rrisin efektin e barnave antikoagulante, si varfarina. Gjatë administrimit të njëkohshëm duhet të bëhet kontrolli i koagulimit.

Studimet klinike kanë treguar ndërveprime mes antiinflamatorëve josteroidë (AJS) dhe sulfonilureikëve (barna për uljen e sheqerit në gjak). Megjithëse nuk janë përshkruar ndërveprime mes ibuprofenit dhe sulfonilureikëve, gjatë administrimit të njëkohshëm duhet të kontrollohet sheqeri në gjak.

Takrolimus: risku për nefrotoksicitet është i rritur nëse të dy këto barna merren njëkohësisht.

Zidovudin: ka të dhëna për risk të rritur për hemorragji në kype (hemartroza) dhe hematoma në pacientët hemofilikë HIV-pozitivë, të cilët marrin njëkohësisht zidovudin dhe ibuprofen.

Marrja e Fasdol me ushqim dhe pije

Gjatë kohës që merrni Fasdol nuk duhet të pini alkool.

Shtatzënia dhe ushqimi me gj

Këshillohuni me mjekun ose farmacistin tuaj përpara se të merrni / përdorni çdo bar. **Shtatzënia** Nëse konstatohet një shtatzëni gjatë kohës që përdorni Fasdol, duhet të njoftoni mjekun. Ibuprofeni mund të përdoret në tremujorin e parë dhe të dytë të shtatzënisë vetëm pas këshillimit me mjekun. Në tremujorin e fundit të shtatzënisë Fasdol nuk duhet të përdoret për shkak të risikut të rritur për komplikacione për nënën dhe fëmijën.

Ushqimi me gj

Lënda vepruese ibuprofen dhe metabolltët e tij kalojnë në sasi të vogla në qumështin e gjirit. Meqenëse nuk njihen efekte anësore tek foshnja, nëse përdorimi është për një kohë të shkurtër, si regull nuk kërkohet ndërprerja e ushqimit me gj. Nëse përdorimi është i zgjatur dhe me doza të larta, duhet të konsiderohet një ndërprerje e hershme e ushqimit me gj.

Fertiliteti

Ashtu si barnat e tjerë që frenojnë sintezën e prostaglandinave, Fasdol mund të vështirësojë mbetjen shtatzënë. Duhet të informoni mjekun nëse planifikoni një shtatzëni ose nëse keni probleme për të mbetur shtatzënë.

Drejtimi i automjetit dhe përdorimi i makinerive

Meqenëse gjatë përdorimit në doza të larta të Fasdol mund të shfaqen efekte në sistemin nervor qendror si, lodhje dhe marrje mendsh, në disa raste afësia për të reaguar mund të dëmtohet, për pasojë edhe afësia për të drejtuar automjetin apo për të përdorur makineri. Kjo gjë theksohet më shumë nga përdorimi i alkoolit. Në raste të papitura nuk do të mund të reagoni me shpejtësinë dhe efektivitetin e duhur. Në këtë rast nuk duhet të drejtoni automjetin ose mjete të tjera! Mos përdorni makineri ose vegla të tjera! Mos punoni pa një pikëmbështetje të sigurt!

3. SI TA MERRNI FASDOL?

Merreni Fasdol gjithmonë sipas udhëzimit të mjekut. Ju lutemi të këshilloheni me mjekun ose farmacistin nëse nuk jeni i sigurt.

Nëse nuk është përshkruar ndryshe nga mjeku, doza e zakonshme është:

Në dhimbje dhe temperaturë:

Mosha	Doza unike: Fasdol - 400 mg	Doza e përgjithshme ditore: Fasdol - 400 mg
<div><div><div><div><div><div></div></div></div><div><div><div></div></div></div></div></div></div> <div><div><div><div>+15</div></div></div></div>	1 tabletë e veshur me film (ekuivalente me 400 mg ibuprofen)	2 deri 3 tableta të veshura me film (ekuivalente me 800 deri 1200 mg ibuprofen)

Në trajtimin e sëmundjeve reumatike:

Doza e ibuprofenit, lëndës aktive të Fasdol, do të përcaktohet në varësi të moshës dhe peshës trupore.

Doza e rekomanduar për të rritur dhe adoleshentë nga 15 vjeç është ndërmjet 1200 dhe 2400 mg ibuprofen në ditë. Doza maksimale unike për të rritur nuk duhet të kalojë 800 mg ibuprofen.

Mosha	Doza unike: Fasdol - 400 mg	Doza e përgjithshme ditore: Fasdol - 400 mg
<div><div><div><div><div><div></div></div></div><div><div><div>+15</div></div></div></div></div></div>	1 deri 2 tableta të veshura me film (ekuivalente me 400 deri 800 mg ibuprofen)	3 deri 6 tableta të veshura me film (ekuivalente me 1200 deri 2400 mg ibuprofen)

Mosha	Doza unike: Fasdol - 600 mg	Doza e përgjithshme ditore: Fasdol - 600 mg
<div><div><div><div><div><div></div></div></div><div><div><div>+15</div></div></div></div></div></div> <div><div><div><div>+15</div></div></div></div>	½ deri 1 tabletë e veshur me film (ekuivalente me 300 deri 600 mg ibuprofen)	2 deri 4 tableta të veshura me film (ekuivalente me 1200 deri 2400 mg ibuprofen)

Mënyra dhe kohëzgjatja e përdorimit

Merreni Fasdol të plotë, me shumë lëngje dhe jo me stomak bosh. Nëse keni stomak të ndjeshëm këshillohet që Fasdol të merret gjatë vakteve. Në dhimbje të lehta deri mesatare si dhe në temperaturë, mos merrni Fasdol për më gjatë se 4 ditë pa këshillën e mjekut ose dentistit. Në sëmundjet reumatike mund të nevojitet një trajtim më i gjatë me Fasdol. Mjeku do të vendosë për kohëzgjatjen e trajtimit.

Nëse keni marrë më shumë Fasdol sesa duhet

Merreni Fasdol sipas udhëzimit të mjekut ose sipas rekomandimeve të dozimit në fletëudhëzues. Nëse keni përshlytjen se nuk keni lehtësim të dhimbjes, mos e rritni vetë dozën, por këshillohuni me mjekun.

Symptomat e një mbidozimi mund të jenë: shqetësime të sistemit nervor qendror si dhimbje koke, marrje mendsh, mpirje dhe humbje e ndërgjegjes (tek fëmijët edhe konvulsione), si dhe dhimbje barku, të përziera dhe të vjella. Të tjera të mundshme janë: hemorragji në traktin gastrointestinal dhe dëmtime të funksionit të mëlçisë dhe veshkave. Për më tepër, mund të ndodhë rënie e presionit të gjakut, depresion i frymëmarrjes dhe ngjyrosje mavi e lëkurës dhe mukozave (cianozë).

Nuk ka një antidot specifik.

Nëse dyshoni për mbidozim me Fasdol, ju lutemi të njoftoni mjekun tuaj. Ai do të vendosë për masat e nevojshme që duhen marrë në varësi të shkallës së helmimit.

Nëse keni harruar të merrni Fasdol

Nëse harroni ta merrni një herë barin, herën e ardhshme mos merrni më shumë se doza e zakonshme. Nëse keni pyetje të tjera rreth përdorimit të barit, pyesni mjekun ose farmacistin tuaj.

4. EFEKTE ANËSORE TË MUNDSHME

Si të gjitha barnat e tjera, ibuprofeni mund të ketë efekte anësore, por që jo çdoqush i manifeston.

Për vlerësimin e efektëve anësore janë përdorur treguesit të mëposhtëm të shpeshtësisë:

Shumë të shpeshta	shfaqen në më shumë se 1 përdorues nga 10
Të shpeshta	shfaqen në 1 deri 10 përdorues nga 100
Të pazakonta	shfaqen në 1 deri 10 përdorues nga 1,000
Të rralla	shfaqen në 1 deri 10 përdorues nga 10,000
Shumë të rralla	shfaqen në më pak se 1 përdorues nga 10,000
Të panjohura	Frekuenca nuk mund të përcaktohet në bazë të të dhënave që disponohen

Efekte anësore të mundshme

Përsa i përket efektëve anësore të mëposhtme, duhet patur parasysh se ato ndryshojnë në varësi të dozës dhe nga pacienti në pacient.

Efektet anësore më të shpeshta prekin traktin tretës. Mund të shfaqen ulçera gastroduodenale (ulçera peptike), perforacione ose gjakrrjedhje, ndonjëherë vdekjeprurëse, kryesisht tek të moshuarit (shih pikën 2: "Tregoni kujdes të veçantë me Fasdol"). Janë raportuar: të përziera, të vjella, diarre, fryrje, konstipacion, shqetësime të tretjes, dhimbje abdominale, melena, hematemezë, stomalit ulçerativ, përkeqësim i kolitit dhe sëmundjes Crohn (shih pikën 2: "Tregoni kujdes të veçantë me Fasdol"). Më rralle janë vënë re inflamacione të mukozës së stomakut. Veçanërisht risku për shfaqjen e gjakrrjedhjeve gastrointestinale varet nga doza dhe kohëzgjatja e trajtimit.

Janë raportuar edema, presion i lartë i gjakut dhe insuficiencë kardiake nga trajtimi me AJS.

Barnat si ibuprofeni mund të rrisin pak risikun për atake në zemër ("infarkt në zemër") ose insull.

Çrregullime të zemrës

Shumë të rralla: palpitatione, edema (mbajtje e lëngjeve), dobësi e muskullit të zemrës (insuficiencë kardiake), infarkt i zemrës.

Çrregullime të gjakut dhe sistemit limfatik

Shumë të rralla: çrregullime në formulën e gjakut (anemi, leukopeni, trombocitopeni, pancitopeni, agranulocitozë).

Shenjat e para mund të jenë: temperaturë, dhimbje fyti, plagë sipërfaqësore në gojë, simptoma të ngjashme me gripin, lodhje e theksuar, gjak nga hundët dhe ekimoza. Në të tilla raste bari duhet ndërprerë menjëherë dhe duhet njoftuar mjeku. Duhet të shmanget çdo vetëmjekim për dhimbje ose ulje temperature. Në terapinë afatgjatë formula e gjakut duhet të kontrollohet rregullisht.

Çrregullime të sistemit nervor

Të shpeshta: shqetësime të sistemit nervor qendror si: dhimbje koke, marrje mendsh, pagjumësi, axhitim, irritueshmëri ose lodhje

Çrregullime të syve

Të pazakonta: shikim i turbullit.

Çrregullime të veshit dhe labirintit

Shumë të rralla: zhurmë në vesh (initus), shqetësime të dëgjimit.

Çrregullime të traktit gastrointestinal

Shumë të shpeshta: simptoma gastrointestinale si: djegie urthi, dhimbje barku, të përziera, të vjella, fryrje, diarre, konstipacion dhe gjakrrjedhje të vogla gastrointestinale, që në raste të veçanta mund të shkaktojnë anemi.

Të shpeshta: ulçera gastroduodenale (ulçera peptike), mund të shoqërohen me gjakrrjedhje dhe perforacion. Stomatit ulçerativ, përkeqësim i kolitit ulçeröz dhe i sëmundjes Crohn.

Të pazakonta: inflamacion i mukozës së stomakut (gastrit).

Shumë të rralla: inflamacion i ezofagut (ezofagit) dhe i pankreasit (pankreatit), formimi i membranave në zorrën e hollë dhe të trashë (membrana intestinale, të ngjashme me diafragmën). Në rast se ju shfaqen dhimbje të forta në pjesën e sipërme të abdomenit, hematemezë, melena dhe / ose feçe me ngjyrë të errët, duhet ta ndërprisni Fasdol dhe të njoftoni mjekun menjëherë.

Çrregullime renale dhe të rrugëve urinare

Të pazakonta: mbajtje e shtuar e ujit në inde duke formuar edema, sidomos në pacientë me presion të lartë të gjakut ose tek ata me funksion të dëmtuar të veshkave; sindrom nefrotik (mbajtje e ujit në trup [edema] dhe ekskretim i lartë i proteinave në urinë), sëmundje inflamatorë e veshkave (nefrit intersticial), që mund të shoqërohet me çrregullim akut të funksionit të veshkave.

Shumë të rralla: mund të shfaqet dëmtim i indit të veshkave (nekrozë papilare) dhe përqëndrime të larta të acidit urik në gjak. Reduktimi i ekskretimit urinar, mbajtja e ujit në trup (edema) si dhe një gjendje e përgjithshme jo e mirë mund të shfaqen si shenja të sëmundjes së veshkave deri të insuficiencës renale. Nëse shfaqen simptomat e përmendura ose